

Kalaallit Nunaanni piffissaq qasuersaarfissaq aamma ulloq unnuarlu sulinngiffeqarneq pillugit nalunaarut

Kalaallit Nunaanni piffissaq qasuersaarfissaq aamma ulloq unnuarlu sulinngiffeqarneq pillugit nalunaarut Kalaallit Nunaanni sullivinni avatangiisit pillugit inatsimmi, tak. inatsimmik nalunaarut nr.1048, 26. oktober 2005-imeersoq, § 3a, §§ 40-45c aamma § 67 naapertorlugit aalajangersarneqarput:

Kapitali 1

Atuuffi

§ 1. Nalunaarummi pineqarpoq sulisitsisumi suliaqarnerni inunnik 18-inik ukioqalereersunik sulisoqartarneq.

§ 2. Nalunaarut atortuutinneqassanngilaq sulinernut, sulisorisap angerlarsimaffiani, inuup ilaqutariinni paaqqinnittussani najugaqarfigisaani, ulloq unnuarlu paaqqinninnertut ingerlanneqartussanut, 1) sulisuusoq nammeneq piffissamik suliffissamik aaqqissuussissatillugu, imaluunniit 2) piffissaq suliffissaq sulinerup ingerlanneqarnerani pissutsit immikkut ittut kingunerisaattut uuttorneqarsinnaaniluunniit siumut aalajangersarneqarsinnaatinnagu.

§ 3. Piffissaq suliffissaq aaqqissuunneqassaaq taamaalilluni sulisuusut nal. akunnerisa 24-t ingerlanerini minnerpaamik nal. akunnerini 11-ni ataannartumik qasuersaarfissaqartussanngorlugit.

§ 4. Ullut unnuallu arfineq-marluk tamarmik immikkut ingerlanerini sulisuusut sapaatit akunneranoortumik ullormik unnuamillu ataatsimik sulinngiffissaqartitaassapput ullormut qasuersaarfissaatitaasumut uiggiunneqarsinnaasumik. Sapaatit akunneranoortumik ulloq unnuarlu sulinngiffeqarfissaq sapinngisamik pitinniarneqartassaaq sapaatini ajornartinnagulu tamanut ataatsikkut sullivimmi sulisorineqartunut.

Imm. 2. Imm. 1-imi oqaaseqatigiit aappaanni malittarisassaq atuutissanngilaq nunalerinermut, naatitsiveqarnernut, aallaaniarnermut piniarnermullu.

§ 5. § 3 aamma § 4 saneqqunneqarsinnaapput pisariaqartitsineq naapertorlugu, pinngortitap pissusii, ajunaarnerit, maskiinaajarnerit assigisaattulluunniit ilimageriinngisatut pisut sullivimmik pissusissaatoortumik ingerlatsinermut akornusiippata imaluunniit akornusiisimappata. Sanioqqutsineq nakkutilliinermut allattaavinnut allatulluunniit uppersaatissatut allanneqartassaaq.

§ 6. Inuit qullersatut atorfillit § 3-mi aamma § 4-mi aalajangersakkani pineqartunut ilaatinneqassapput,
1) siulersuisuusutut sulinerinnarnik imaluunniit pingaarnerusumik taamatut ingerlatsisuussanngippata,
aamma piffissap suliffissap tungaatigut siulersugassaminnik malinnaaffiginninnissaq
pisussaaffigissanngippassuk, imaluunniit nikittaattumik sulinissatut aalajangersariikkat
malinnaaffiginissaat pisussaaffigissanngippassuk, imaluunniit
2) immikkut ilisimasaqarneq pissutsilluunniit tamatumunnga assingusut pissutigalugit suleriaatsit
aalajangersimasut nalunaarummut ilanngussami pineqartut, iluanni immikkut
atorfeqartitaassanngikkunik.

§ 7. Suleriaatsit nalunaarummut ilanngussami pineqartut iluanni § 3 aamma § 4 saneqqunneqarsinnaapput
piffissanut qasuersaarfissanut ataasiakkaanut imaluunniit ullunut unnuanullu sulinngiffeqarfissanut
ataasiakkaanut tunngatillugu § 32 malillugu piffissaq eqqorlugu immikkut
akuersisitsiniaasoqarsinnaanngippat, aamma
1) suliamik ingerlatsineq suussusia naapertorlugu kinguartikkallarnejarsinnaanngippat, imaluunniit
2) suleriaatsit immikkut ittut saneqqutsinissaq pisariaqartippassuk.

§ 8. Piffissaq ullormut qasuersaarfissaq nal. akunnerinut 8-nut sivikillineqarsinnaavoq
1) sullivinni, nikittaattunik sulisoqarluni ingerlatsisuni, sulisut nikittaatsinnerisigut, suleqatigiiaat ataatsit
suliaminnik nammassinnereerneratigut suleqatigiillu allat sulinermi aallartinnerisa akornanni piffissaq
qasuersaarfissaq pitinneqarsinnaatinnagu,
2) nunalerinermik suliaqarnerni aamma ukiumi ilivitsumi (qaammatisiutit ukiuanni) ullut 30-t tikillugit
aallaaniartarnerni piniariartarnernilu,
3) sulliviit ukiumoortumik naatsorsuusiorlutillu kisitsineranni imaluunniit akikilliliineranni, annerpaamilli
ukiumi ilivitsumi ataatsimi 14-riartumik,
4) juulliaaraq ullunik 14-inik sioqqullugu quersuarni pisiniarfinnilu ulluni kingullerni sulinerni,
5) piffissami 1. maj-imiit 1. oktober-imut aalisakkanik tunioraaruttulerfiup nalaani aalisakkerivinni
sulinerni, aamma
6) aputaajaaneq, aamma
7) piffissaq angalaffik, ataannartumik nal. akunneri 8 sinnerlugit sivilissusilik.

Imm. 2. Suleriaatsit nalunaarummut ilanngussami pineqartut iluanni piffissaq ullormut qasuersaarfissaq
nal. akunnerinut 8-nut sivikillineqarsinnaavoq ataatsimiinnernik, kulturikkut aaqqissuussinernik
assigisaannillu sulianut atasumik ingerlatsisoqassatillugu, nalinginnaasumik ulluunerani
ingerlanneqartartunik, kisianni pingaartumik inunnut allanut attaveqarfiginninnissaq unnukkuunerani
pisariaqartinneqartillugu. Piffissamik qasuersaarfissamik sivikillilerineq pisuni taama ittuni annerpaamik
pisarsinnaavoq ukiumi ilivitsumi ataatsimi annerpaamik 20-riarluni.

§ 9. Usilersuineq usingiaanerlu, aalajangersumik atorfinitsitaanngitsunik sulisoqarnerulluni
ingerlanneqartussat, aamma tamatumunnga attuumassutilittut pisarialinnik suliaqarnerit, soorlu
nioqqutissaasivinni quersuarnilu sulineq, § 2-mi aamma § 8, imm. 1, nr. 1-imi 2-milu pineqanngillat.
Taamatut suliaqarnerni qaangiuttoortoqassappat, nikittaattunik sulisoqarluni sulineq aamma nunagi-sami
namminerimi angallatit uteqattaartumik angallassisut, rutebådít, pinnagit, qaangiuttoornerit

naammassineranniit minnerpaamik nal. akunnerini 9-ni ataannartumik qasuersaarfissaqartitsisoqassaaq, sulisut pineqartut suleqqilersinnagit.

§ 10. Inunnik, uumasunik naasunillu paarsinermik suliaqarnerni aamma nunalerinermik suliaqarnerni, aallaaniarnerni piniarnernilu aamma naliliutit piunnartinnissaannut pisariaqartinneqartumik suliaqarnerni sapaatit akunneranoortumik ulloq unnuarlu sulinngiffeqarfissaq kinguartikkallarneqarsinnaavoq kingusinnerusukkullu taamaaqataanik taarserneqarluni suliat nalunaarummut ilanngussami pineqartunut ilaatillugit.

Imm. 2. Taamaattorli ullut unnuallu sulinngiffeqarfissat marluk akornanni ullut unnuallu 12-init amerlanerussanngillat. Aammattaaq ullut unnuallu sulinngiffeqarfissat sapinngisamik ataannartunngorlugit inissinniarneqartassapput sulinngiffeqarfissarlu ataaseq ulluunerani qasuersaarfissamut uiggiunniarneqartassaaq.

§ 11. Sulisitsisuusup suliaassanik aqqissuussineq aamma piffissamik qasuersaarfissamik annikilliliinissap annertussusia aamma ullunik unnuanillu sulinngiffeqarfissanik allannguinnissaq isumannaatsuunissamut sulisullu sinniisuinut oqaloqatiginnissutigisassavaa imaluunniit taamatut sin-niisoqanngippat sulisuunut § 8, imm. 1, nr. 3-4-mi, § 8, imm. 2-mi, § 10-mi, § 15-imi aamma § 16-imi malittarisassat malillugit aallajangiinalersinnani.

§ 12. § 5 aamma §§ 7-10 malillugit saneqqutsisoqartillugu taarsiutitut taamatulli piffissanik qasuersaarfissaqartitsisoqartassaaq imaluunniit ullunik unnuanillu sulinngiffeqartitsisoqarluni. Taarsiutitut piffissanik qasuersaafeqartitsinissaq imaluunniit ullunik unnuanillu sulinngiffeqartitsinissaq qaqutigoortumik ajornassatillugu naleqquttunik illersuiniuteqartoqartassaaq.

Kapitali 2

Piffissaq angalaffik il. il.

§ 13. Aalajangersumik suliaqarfiusumiit allamut piffissaq angalaffik piffissatut qasuersaarfittut imaluunniit ullutut unnuatullu sulinngiffissatut naatorsuunneqassanngilaq sulisuusup suliaqarfissamut pisarnertut angalasarnerniit sivisunerutinnagu.

Kapitali 3

Suleriaannaaneq aamma allatut immikkut ittumik sulisarneq

§ 14. Suliaqarfigisami suleriaannaatitaaneq piffissatut qasuersaarfittut imaluunniit ullutut unnuatullu sulinngiffeqarfittut naatsorsuunneqassanngilaq.

§ 15. Suliaqarfigisap avataaniilluni suleriaannaaneq piffissatut qasuersaarfittut naatsorsuunneqassaaq. Imm. 2. Sulisuusut suleriaannaatitaanerminni suliartoqquneqarpata piffissaq qasuersaarfik kipitinneqartutut naatsorsuunneqassaaq, suliartoqqusaanermi suliatigut pisussaaffissat allaassappata imaluunniit sulisuusq allaasunik suliaassinneqassappat, aamma suleriaannaasussaaneralu angerlamut tikinnerani taamatullu taaneqartutut suliaqarunnaarnerani atuuteqqilissappat.

Imm. 3. Sulisuusut imm. 2-mi taaneqartutut suliartoqquneqarpata nalunaarummut ilanngussami pineqartutut suliaqarnerni piffissaq qasuersaarfissaq nal. akunnerinut 8-nut ikilisinneqassaaq imaluunniit kinguartinneqassalluni, kingullertullu taaneqartutut sulinerup naammassineranut atasumik pitinneqartussanngorlugu. Piffissamik qasuersaarfissamik ikililerineq imaluunniit kinguartitsineq sivisunerpaamik pisinnaavoq ukiumi ilivitsumi qaammatini tamani ulluni unnuanilu 10-ni sivisunerpaamillu ukiup ilivitsup ingerlanerani ulluni unnuanilu 45-ni. Sulisuusup piffissaq qasuersaarfissaa § 8, imm. 1, nr. 3 aamma 4 kiisalu § 8, imm. 2 malillugit annikillilernerneqassappat piffisap qasuersaarfissap sivisussusissaanut inissinnissaanulluunniit periarfissaq sulii ullunik unnuanillu amerlaqataannik killililiiffigineqassaaq.

§ 16. Suleriaatsini nalunaarummut ilanngussami pineqartuni sapaatit akunneranoortumik ulloq unnuarlu sulinnigiffeqarfissaq angerlarsimaffigisami, suliaqarfisami allamiluunniit suleriaannaatitaanermut atatillugu allanngortinneqarsinnaassaaq. Taamaattorli ullut unnuallu sulinnigiffeqarfissat marluk akornanni ullunit unnuanillu 12-init sivisunerussanani.

Imm. 2. Ullormik unnuamillu sulinnigiffeqarfissamik allanngortitsinermi ullormut unnuamullu sulinnigiffeqarfissamut allamut sapinngisamik atasussanngortinniarneqartassaaq imaalillugulu ulloq unnuarlu sulinnigiffeqarfissaq ataaseq ullormoortumik piffissamut qasuersaarfissamut uiggutaasussanngorlugu.

§ 17. § 15, imm. 3 aamma § 16 malillugit saneqqutsisoqartillugu taamatulli taarsiissutitut piffissanik qasuersaarfissaqartitsisoqartassaaq imaluunniit ullunik unnuanillu sulinnigiffeqartitsisoqartassalluni. Pissutsit qaqutigooraluartumik tamanna ajornartissappassuk naleqquttumik illersuiniartoqartassaaq.

Kapitali 4

Isumaqatigiissutit

§ 18. Sulisitsisutut susassalittut illuatungiliuttussap aamma akissarsisartut kattuffiata isumaqatigiissutigisinnaavaat ullormoortumik piffissaq qasuersaarfissaq killilimmik kinguartinneqarsinnaassasoq imaluunniit nal. akunnerinut 8-nut sivikillineqarsinnaassasoq.

Imm. 2. Illuatungeriit imm. 1-imi taaneqartut aammattaaq isumaqatigiissutigisinnaavaat suleriaannaatitaanermi piffissap qasuersaarfissap kinguartinneqarluniluunniit nal. akunnerinut 8-nut sivikillineqarsinnaanissaa, aamma piffissap qasuersaarfissap suleriaannaatitaanermiissinnaanissaa.

§ 19. Sulisitsisutut susassalittut illuatungiliuttussap aammalu akissarsisartut kattuffiata isumaqatigiissutigisinnaavaat sapaatit akunneranoortumik ullup unnuallu sulinnigiffeqarfissap allamut inissinneqarsinnaanissaa. Taamaattorli ullut unnuallu sulinnigiffeqarfissat marluk akornanni ullunit unnuanillu 12-init amerlanerusussaatinngit. Ullut unnuallu sulinnigiffeqarfissat aammattaaq ajornartinnagu ataannartussatut inissinneqarsinnaasariaqarput imaalillugulu ulloq unnuarlu ataaseq ulluunerani qasuersaarfimmu uiggiutaasinnaanngorlugu.

§ 20. Sulisitsisutut susassalittut illuatungiliuttussap aamma akissarsisartut kattuffiata isumaqatigiissutigisinnaavaat piffissaq qasuersaarfissaq aamma ulloq unnuarlu sulinnigiffeqarfissaq pillugit malittarisassat saneqqunneqarsinnaassasut §§ 18-imi 19-imilu taaneqartuniit annertunerusumik.

Isumaqatigiissutit taama ittut aatsaat atuussinnaassapput, Sullivinnik Nakkutilliisoqarfup pisortaanit akuersissutigineqassagunik.

§ 21. Piffissaq qasuersaarfissaq aamma ulloq unnuarlu sulinngiffeqarfissaq pillugit malittarisassanik sanioqqutsinissamut najoqqutassaataasut, §§ 18-20-mi malittarisassat malillugit isumaqatigiissutaasinnaasut, sulisitsisutut susassaqtutut illuatungiliuttup aamma akissarsisartut kattuffiata akornanni isumaqatigiissummi aalajangersagaasimappata suliassaatitaasut ataasiakkaanut tunngatil-lugu saneqqutsinissaq imaluunniit piffissap suliffissap pilersaarusiornerni saneqqutsinissaq sullivimmi namminermermi isumaqatigiissutigineqarsinnaavoq.

§ 22. Sulisisuusup sulisuusullu § 19-imi malittarisassat apeqqutaatinnagit isumaqatigiissutigisinnaavaat sapaatit akunneranoortumik ullup unnuallu sulinngiffeqarfissap allamut inissinneqarsinnaanissaa piffissamik suliffiusussamik pilersaarusiornermi imaluunniit suliassamik aalajangersimasumik aaqqissuunermi. Taamaattorli ullut unnuallu sulinngiffeqarfissat marluk akornanni ullut unnuallu 7-init amerlanerusinnaassanatik.

§ 23. Kapitalimi matumani aalajangersakkat naapertorlugit isumaqatigiissutit aatsaat atuussinnaassapput allaganngukkatut isumaqatigiissutaasimagunik.

Imm. 2. Isumaqatigiissutit, sullivimmi namminermermi §§ 21-mi aamma 22-mi aalajangersakkat malillugit isumaqatigiissutaasut aamma sulliviup nakkutilliinermut allattaaviinut allanneqartassapput.

§ 24. §§ 18-22-mi aalajangersakkat malillugit isumaqatigiissutit atorunnaartussanngortinneqarsinnaapput malittarisassat kattuffinnut ataatsimoortukkuutaat pillugit isumaqatigiissutinut imaluunniit suliaqarfiganut pineqartunut tunngatillugu isumaqatigiissutinut atuuttut pillugit piffissarititaa-sumi taakkulu malillugit, allatut isumaqatigiittoqarsimassanngippat.

§ 25. §§ 18-20 malillugit isumaqatigiissut, najoqqutassatut isumaqatigiissut imaluunniit § 21 malillugu sullivimmi namminermermi isumaqatigiissut sullivimmi avatangiisitigut atugarisanut akuersaarneqarsinnaanngitsunut tunngavissiissappat, Sullivinnik Nakkutilliisoqarfup pisortaata peqqussutigisinnaavaa atugarisat taakkua nalunaarummi piffissaq qasuersaarfissaq aamma ulloq unnuarlu sulinngiffeqarfissaq pillugit aalajangersakkanut naapertuuttunngortinneqassasut.

§ 26. §§ 18-22 malillugit saneqqutsisoqartillugu taamatulli taarsiissutitut piffissanik qasuersaarfeqartitsisoqarlunilu ullunik unnuanillu sulinngiffeqartitsisoqartassaaq. Pissutsit qaqutigooraluartumik tamanna ajornartissappassuk naleqquttumik illersuiniartoqartassaaq.

Kapitali 5

Sulisorisap angerlarsimaffiani sulinerni immikkut ittumik atuistsinngitsoorutissatut aalajangersakkat

§ 27. Piffissaq ullormoortumik qasuersaarfissaq Kalaallit Nunaanni sullivinni avatangiisit pillugit inatsimmi § 32 tunngavigalugu saneqqunneqarsinnaavoq sulisorisap angerlarsimaffiani suliaqarnerni

1) sulisorisap nammineq piffissaq suliffissaq aaqqissuutissappagu tamatumuuna ullormoortumik

2) piffissaq qasuersaarfissaq imaluunniit qasuersaarfissat,
3) piffissaq suliffissaq sulianik ingerlatsinermi pissutsit immikkut ittut kingunerisaattut uuttorneqarsinnaanngippat imaluunniit siuningaaniit aalajangersarneqarsinnaanngippat.
Imm. 2. Suleriaannaanissani kapitali 4-mi piffissaq suliffissaq pillugu malittarisassat atuutissapput.
Imm. 3. Imm. 1 atortuutinneqassanngilaq sulisorisat piffissaq suliffissaq tamakkerlugu angerlarsimaffimmi sulisassappat.

§ 28. Sapaatit akunneranoortumik ulloq unnuarlu sulinngiffeqarfissaq Kalaallit Nunaanni sullivinni avatangiisit pillugit inatsimmi § 32 tunngavigalugu kinguartikkallarneqarsinnaavoq imaluunniit allanngortinneqarsinnaalluni sulisorisat angerlarsimaffiani suliaqarnerni

1) sulisorisat nammineq piffissaq suliffissaq aaqqissuutissappagu tamatumuuna imaluunniit,
2) piffissaq suliffissaq sulianik ingerlatsinermi pissutsit immikkut ittut kingunerisaattut uuttorneqarsinnaanngippat imaluunniit siuningaaniit aalajangersarneqarsinnaanngippat.
Imm. 2. Suleriaannaanissani kapitali 4-mi piffissaq suliffissaq pillugu malittarisassat atuutissapput.
Imm. 3. Imm. 1 atortuutinneqassanngilaq sulisorisat piffissaq suliffissaq tamakkerlugu angerlarsimaffimmi sulisassappat.

§ 29. Sulisitsisutut susassallittut illuatungiliuttup aamma sulisartut kattuffiata isumaqatigiissutigisinnaavaat piffissaq ullormoortumik qasuersaarfissaq sulisorisat angerlarsimaffimmi sulinerani saneqqunneqarsinnaassasoq.
Imm. 2. Imm. 1-mi malittarisassat atortuutinneqassanngilaq, sulisorisat piffissaq suliffissaq tamakkerlugu angerlarsimaffimmi sulisassappat.
Imm. 3. § 21, § 23, imm. 1, § 24 aamma § 25 imm. 1 malillugu isumaqatigiissutitut aamma atuutissapput.

§ 30. Sulisitsisutut susassallittut illuatungiliuttup aamma akissarsisartut kattuffiata isumaqatigiissutigisinnaavaat sapaatit akunneranoortumik ulloq unnuarlu sulinngiffeqarfissaq sulisorisat angerlarsimaffimmi sulinerani kinguartinneqarsinnaalluniluunniit allamut inissinneqarsinnaassasoq.
Imm. 2. Imm. 1-mi malittarisassat atortuutinneqassanngilaq sulisorisat piffissaq suliffissaq tamakkerlugu angerlarsimaffimmi sulisassappat.
Imm. 3. § 21, § 23, imm. 1, § 24 aamma § 25 imm. 1 malillugu isumaqatigiissutitut aamma atuutissapput.

§ 31. §§ 27-30 malillugit saneqqutsisoqartillugu taamatulli taarsiissutitut piffissanik qasuersaarfeqartitsisoqarlunilu ullunik unnuanillu sulinngiffeqartitsisoqartassaaq. Pissutsit qaqutigooraluartumik tamanna ajornartissappassuk naleqquttumik illersuiniartoqartassaaq.
Imm. 2. § 27, imm. 1, nr. 1-imik saneqqutsinerni piffissap nal. akunnerinik 24-nik sivilissusillip ingerlanerani piffissat ullormoortumik qasuersaarfissat ataatsimut katillutik minnerpaamik nal. akunneri 11-iussappata taamatulli taarsiissutitut piffissanik qasuersaarfeqartitsisoqassaaq imaluunniit imm. 1 malillugu taamatulli naleqquttumik illersuiniartoqartassaaq.

Kapitali 6

Allaffissornikkut aalajangersakkat

Piginnaatitsissutit immikkullu akuersissuteqartarnerit

§ 32. Sullivinnik Nakkutilliisoqarfiup pisortaata akuerisinnaavaa suleriaatsit nalunaarummut ilanngussami pineqartut iluanni §§ 3-mik aamma 4-mik saneqqutsisoqartarsinnaasoq

- 1) sulianik ingerlatsinissaq suussusaa malillugu kinguartinneqarsinnaanngippat, imaluunniit
- 2) suleriaatsit immikkut ittut saneqqutsinissaq pisariaqartissappassuk.

Naammagittaalliorsinnaaneq

§ 33. Nalunaarut manna malillugu aalajangiinerit naammagittaalliuutaasinnaapput Kalaallit Nunaanni sullivinni avatangiisit pillugit inatsimmi § 64 malillugu.

Pinerluttulerinermik inatsisitigut pineqaatissiissutissat

§ 34. Kalaallit Nunaanni pinerluttulerinermik inatsit malillugu pineqaatissiinissaq eqqartuussutaassaaq kimulluunniit

- 1) §§ 3-5-imut, §§ 7-10-mut, §§ 12-16-imut akerliusumik suliaqartitsisumut imaluunniit taamatut suliaqarnernik siulersuisumut, nakkutilliisuusumut imaluunniit ingerlataqartumut,
- 2) nalunaarummi aalajangersakkanik unioqqutitsineq pillugu peqqussutaasunik malinnginngitsumut.

Imm. 2. Pineqaatissiissutissamik sakkortuussusiliinermi sakkortusaatitut naatsorsuunneqassaaq

- 1) unioqqutitsinerup piaaraluneernikkut imaluunniit mianersuaalliorujussuarnikkut pisimanera,
- 2) unioqqutitsinikkut inuunermik peqqissutsimilluunniit ajoqusiisimaneq tamatuminnгалuunniit aarlerinartorsiortitsisimaneq,
- 3) pissutsit taakkuttaaq imaluunniit taakkununga assingusut pillugit siusinnerusuklut peqqussute qartoqareersimanera Kalaallit Nunaanni sullivimmi avatangiisit pillugit inatsimmi § 60, imm. 1, imaluunniit 2, malillugu, imaluunniit
- 4) unioqqutitsinikkut pineqartup imminut allanulluunniit aningaasatigut iluanaarutississimanera tamatuminnгалuunniit siunertaqarsimanera.

Imm. 3. §§ 3-5-imik, §§ 7-10-mik imaluunniit §§ 12-16-imik unioqqutitsinerni sulisitsisusoq akiliisussanngortitaasinnaavoq unioqqutitsineq sulisitsisumut piaaraluneernertut mianersuaalliorneritulluunniit tutsinniarneqarsinnaanngikkaluaq. Akiliisussanngortitaanissamut patsisissaassaaq unioqqutitsinerup inummut inunnulluunniit arlalinnut sullivimmut attuumassutilinnut imaluunniit sullivimmut taamatut illuni tutsinniarneqarsinnaanissaa. Aalajangersagaq manna malillugu akiliisitsinissani Kalaallit Nunaanni pinerluttulerinermik inatsimmi § 91, imm. 4, atortuutinneqassanngilaq. Imm. 4. Akiliisitsissutissat annertussusilernissaanni imm. 2, nr. 2-4, taamatulli atortuutinneqassapput. Imm. 5. Unioqqutitsinerit, inunnit allat sinnerlugit ingerlatsisusunit, tamatumani aamma ingerlatsiviit aktie-, anparts-, aamma andelsselskabit, interessentskabit, peqatigiiffiit, aningaasaateqarfiit, pigisanik isumannaarisartut, kommunit, kommunit kattuffiat, Kalaallit Nunaanni kommunalbestyrelsit nunaqarfinnilu aqutsisut il. il. pillugit Inatsisartut inatsisaanni § 64-imi pineqartut, Namminer-sornerullutik Oqartussat naalagaaffillu, pillugit ingerlatsivik il. il. taamaattutut akiliisussanngorti-taasinnaapput.

Atortuulersitsineq il. il.

§ 35. Nalunaarut atuutilissaaq ulloq 1. februar 2006.

Imm. 2. Pegatigisaanik atorunnaassaaq piffissaq qasuersarfissaq aamma ulloq unnuarlu sulinngiffeqarfissaq pillugit Kalaallit Nunaannut nalunaarut nr. 397, 24. juni 1986-imeersoq.

Sullivinnik Nakkutilliisoqarfik, ulloq 23. januar 2006

JENS JENSEN

/Charlotte Skjoldager

Ilanngussaq 1

Suleriaatsit § 3-mik imaluunniit § 4-mik saneqqutsiviusinnaasut

1) Suliaqarnerit sulisuusup suliaqarfígisaata najugaatalu akornanni ungasissutsitigut imaluunniit sulisuusup suliaqarfísa assigiinngitsut akornanni ungasissutsitigut ilisarnaasikkat.

2) Pigaartuunerit, alaatsinaarisuunerit aamma ulloq unnuarlu sulisarnerit ajunngitsorsiassanik inunnillu illersuiniartariaqarnermik ilisarnaasikkat, s. ass. pigaartut, isaaffinnik nakkutilliisut imaluunniit pigaartut ingerlatseqatigiiffii pineqartillugit.

3) Suliaqarnerit, sullissinerit ataavartuunissaata imaluunniit tunisassiornerup ingerlaannarnissaata qularnaartariaqarneranik ilisarnaasikkat, s. ass. makku pineqartillugit

a) napparsimmavinni assigisaattulluunniit suliffeqarfínni unittussanik tigooraaneq, passussineq aamma/imaluunniit paaqqinninneq, ilanngullugit iliuutsit nakorsanit ilinniagaqartunit, ulloq unnuarlu inissiisarfínnit paaqqinnittarfínnillu kiisalu parnaarussivínnit ingerlanneqartut,

b) sulisorisat umiarsualivínni mittarfeqarfínniluunniit sulisorineqartut,

c) tusagassiuisarfiit, radio, fjernsyn, filmiliorfiit, allakkeriviit nalunaarasuaateqarfíllu, ambulanceni sullissinerit, qatserisartoqarneq aamma inuinnarnik illersuiniarneq,

d) gassimik, imermik sarfamíllu pilersuinerit, eqqaavileriffiit ikuallaasarfeqarfíllu,

e) suliffissuit, suleriaasii teknikkimut tunngasut pissutigalugit imaaliinnaq kipitinneqarsinnaanngitsut,

f) ilisimatusarnerit ineriartortitsinerillu,

g) nunalerineq, orpippassualerineq, naatitsiviuteqarneq, aallaaniarneq piniarnerlu,

h) sulisut, illoqarfínni ilaasunik uteqattaartumik angallassinernik suliallit.

4) Suliaqarnerit, siumut ilimageriikkanik saniatigut suliaqarfíulersartut, s.ass.

a) nunalerinerup, orpippassualerinerup, naatitsiviuteqarnerup. aallaaniarnerup piniarnerullu iluanni,

b) takornariartitsinermik inuussutissarsiutini,

c) allakkeriveqarnermi,

5) Suliaqarnerit, ullup ingerlanerani piffissanik sivikinnerusunik arlaliusunik suliaqarfusartut, s.ass. eqqiaanernik.

6) Atortussiassanik piiaanerni suliaqarnerit.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut